

紅
櫚
憶
屋
詩
集

紅欄書屋詩集卷一

微波榭遺書之一

曲阜 孔繼涵 誦孟

古詩二首

夜月何皎皎清照窺華堂堂上羅綺列堂下絃管張舉觴觴此
月問夜夜未央時序一以改蓬蒿東西廂不見當年客惟餘此
月光

黃姑居織室所隔惟一河盈盈帶水閒相望不得過兔絲附喬
木自謂永不磨相近尚相遠相遠更如何妾敢怨七襄郎自慚
風波

從姪杵索蘭二首

十五歲作

幽蘭似佳人不以色自炫忽漫度微風芳馨襲庭院緬懷湘中
君含情發溪眷

七君九畹英足我三益友晴窗午夢醒疎香暗消受何以伴蹇修一卷離騷有

獨酌

兀坐意不適忽然成獨酌乾坤浩何寬酒人豈無著冷月天際來爐香煙外落虛廊夜氣清微聞響敗籜衰藤一長吟聊以寄所託

社後一日招周依堂遊柳莊次韻四首

曉起天氣清初日射檐角枯林春風蘇濯濯發新綠晨興淡相對爽氣清於沐駕言郊外遊師以豁雙目春原萬象開勝賞難更僕嬌鸞啼笙簧新麥翻縐縠我廬久就荒几榻猶素樸茅茨略翦除笑露花與竹拂石坐紫苔呼童煮黃獨卽是住山僧何用禮尊宿

岸幘臨東臯曠望平於掌稍聞石門山幽絕衆峯上岩溪樵跡
稀道人常獨往擬欲策短筇攀葛一相訪長林共鹿眠澗道聽
石響誰能從我游試與結酒黨

遙山暝色生清洒不可唾天末缺月來沙際倦鷗臥長空淨無
翳蟾影樹分破花香撲鼻微雁警衝人過循堤延綠行胸懷了
無浣遙望隔岸邨明鐙時一箇上下碧琉璃欲去愁無那君試
拍手歌我當擊節和

春去已過半念茲心悄然好風襲簾幙花枝自靜便閒身那易
乞況值櫻筍天歲運自代嬪奔騰如流泉及時而不樂花飛逐
清漣不如酌大斗坐聽松風傳何必服金石攬身思飛鸞世無
王子喬誰能希神仙

小蟲詩四首

細人競錐末君子重守身慎莫學尺蠖自屈以求伸

雙一名步屈

阜螽相對鳴螻螘共竅語緣何惑王雙廉士成歌女

蛸

倦卽立釣絲閒或點水面飛蝗盈野中何如君赤弁

蛸鈴

玉砌閒涼月黃昏獨閉門入秋多少恨淒切感王孫

蛸

泰安道中曉行

開戶見曉星爍爍影未落驅車離柴門白楊語蕭索露濃著艸
光風急感衣薄稍看曙色開依約露城郭遙門障前涂截業青
如削晴霞爛川梁朝爽散林壑更聽溪樹閒紛紛梟烏鵲

茉莉詞二首

玉骨婷婷冰雪膚霓裳舞罷倩人扶女郎風味如除去玉樹王
家得似無

小串銀絲壓髻唇酒邊調笑燭邊嘆生憎一朵纔簪後蚤有芳

香昵著人

同依堂坐修卉書屋水閣

湘簾高卷敞涼館
四下濃陰覆綠苔
雨過池塘竹影入
風生几榻片雲來
賓朋散去秋仍到
山鳥飛來花半開
檐鐵敲殘人闌寂
幾人熱寢可曾回

當爐曲

當日當爐處
不見當爐人
酒幔青於黛
相思淡復淡

憚南田畫竹

素練羃烟雲
生態出腕肘
墨飽稚龍肥
筆禿威鳳醜
颼然清風來
疎影暗消受
林溪人跡稀
筍根哀竹颯

芙蓉

柿葉初紅雁影低
人言江水似玻璃
珠樓亞字闌干外
十里芙蓉

蓉一樣齊

種樹詞

催種樹多翦伐樹如柵野何濶賣田買樹種田盡樹復拔

打麥詞

雲嗟峨雨滂沱麥蘖生毛麥出蛾泥淡一尺沒碌礮麥乎麥乎
奈爾何

飼蠶詞

朝提筐夜飼蠶繭成偷眼泣不作嫁時衫

捕魚詞

澤有魚鼈我有罟罟乃一聲山雲淦淦哀彼勞人南山拾簍
手胼足疲饔飧猶歉

澆菜詞

井底汲已乾菜花布廣陌誰憐衰讐苦卻惜花顏色顏色不我
畱愁心空脉脉可憐青苔下埋盡笙歌宅春風利如馬吹汝易
狼藉日下園官來荷鋤行相摘

刈葦詞

不采葦花白不采葦葉綠葉盡花飄搖葦稈直於竹編之以爲
席織婦拳曲宿長安紈袴兒下陳糴錦服

采蓮詞

桂棹輕搖碎紋纈折得並蒂相思結花房有子子心苦葉底有
根根多節紅顏搖落怕秋風葉上荷珠認妾踪妬他花裏妃央
臥一雙飛去斷霞紅

嫺春二十六韻

雨意滋青嶂春魂出碧巉冰紗懸了鳥龍餅篆嵌嵌漸罷螭匳

火才穿燕尾衫圓窗除鏡羅理飾啟鈿函銀漢枯槎隔椒牆峻
壁璽珠垂人靜悄鳥語字詰誦琥珀裝犀盒珊瑚架兔毫朱融
饒露和裏浣媚梅賊研積方諸水蛆浮竹葉槭絮飛隨蜨習櫻
熟倩鸞鵲鏤勝銀絲縛旗槍白絹緘官爐寧媿卓鐵撥慣調咸
柳底三條巷桃花第幾畝紅橋盤曲曲綠蕩弄影影葯甲新蟲
出魚梭小荇銜香庸嫌箇陋粉膩怪梨凡山好濃於黛沙明白
勝城藤梢釵儘亞橘刺髻休芟薜合泥金印行幫小玉攬丰神
偏綽約慧語故莊嚴婉變肩頻倚聰明令不監劣情添病酒別
況狀風縹翦水憐偷訂栽蓮感至誠雕車空廣陌夕日落高杉
瘳去顛僵鶴變成翼鑠獬癯魂牽一一庚蟀去颿颿

夜坐同周補堂簡張蓀田

今年上巳惜紅滕柳墅花橋又幾會栖穩並暝春後燕吟殘一

盃夜分鐙濁醪勸我乾餅底新月依人上帽校寄問西隣閉門
侶才成詩稟借儂膽

依堂將至以詩迎之

烏榜青蒲翦碧流春衫打徧桺花毬新詩料到開緘日小泊揚
州賣酒樓

海棠

桺絮楊枝總可憐酒人花底散如煙零星拾得瓢兒在獨舞東
風又一年

春盡

麥田剪剪綠周遭飛絮殘時叫伯勞又是一年春過眼楝花開
盡賣櫻桃

雨

濃雲時黯黯細雨故淒淒
逕滑蒼苔老窗淡竹樹低釣車新入
手萍葉乍平溪明蚤課農事秧鉞出欲齊

邨居二首

甜瓜玉刃破冰盆
淡柳梳煙弄水痕
長簞斜鋪淡竹裏一聲笛
瘳月黃昏

新漲空明柳絮溫
微風吹過水邊邨
邨頭碧樹誰家屋似火榴
花出板門

忠恕堂四詠

夜氣何空清一室足風雨
燭影倒淡尊秋聲生芳樹
獨擁被池溫遙城餉疎杵

聽雨堂

鱗退龍身古亭亭布廣廈
松寢自清佳松風亦疎野
下有尋詩人靜數松釵下

老松

明月矚垣缺獨嘯楸花臺好風度花底散髮坐青苔遙天有雲
影無心自去來

楸花臺

蓬蒿園周遭漾影青青活壓以槐龍髯橫枝偃丈八昨夜夜中
雨爲我來洗刷

庭徑

趵突泉

誰啄枯枝葉策策亂石角戰摩格磔水聲石聲擊鬪雄茶鼎無
煙水火逆入門碧冽壁分張橋肥湧湧盪闌柵千鱗蜿蜒倒入
地三柱支持凸玉尺龍女腕弱鮫女扶齊擎馮夷凌波舄一綫
震響走出牆花鴨文鵝爭趕喫安帖晶光拭雲影沈水罽恩印
殿擗碑苔不剝桺櫟腔水艸水花空向夕

霜降日聞笛

涼秋九月乍寒驕眉月哉生上沆寥酒綠銍紅還我好鞠黃萸

紫爲誰嬌篝鐙齊老風升降落木聲乾影動搖入破初吹何處
笛傳來搖落到今朝

讀書七首

聰明有痼疾視理皆尋常不知尋常中滋味與之長鈍者多畏
事事事聊退藏二者累乃大去之功允臧

世有輕薄兒動言訾古人不知作者意已歷幾酸辛郁郁桃李
花青青霜竹筠榮華不滿眼要當識其真

剛日以讀史柔日以讀經經史原同源胡爲排甲庚本末有倫
脊其理實平平動作輒不苟想見古人情

功夫在詩外妙悟貴獨擘能令功夫通已久精神感但見用筆
工誰窺用意慘語盡意悠然食君雙橄欖

大言自炎炎昌黎空千古未敢捫其闌如何敢布鼓王桺及老

泉辦香置尊俎譬彼食蓼蟲初嘗亦云苦

我友張瘳銅辛柳夙所鄙餘技作爲詞燦如中天綺嗟我本膠
乘焉敢相壁壘翹首天之涯能忘此佳士

速成亦易朽此戒夙所誌識字與讀書一之烏可二胡爲瓊璫
輩不成翻然棄不工外不休借之勵吾志

題筠廊風雨圖二十六韻卽寄張瘳銅

詞賦張衡麗醇醪公瑾溫掉頭辭海國握手聚零門出谷罵求
友抽籬竹哀孫萬竿圍一室長日伴清尊地得幽栖勝心期古
道敦聯吟紅藥樹刻韻玉蘭根險句揆昌谷雄文繼陸渾金蘭
情自洽雲夢氣全吞猶憶時當暑經過夜欲昏林岵風拔木檐
外雨翻盆斗室三人共空天萬馬屯長哥答懸漚壯語直驚魂
不謂更殘別相違歲屢番座常空北海榻未下陳蕃獨著東山

屐孤尋泗水園三秋推鶚薦六月息鵬騫去住同潦倒天涯各
鬱煩昔遊那可續新恨更難言昨過筠廊地追維高士軒淒涼
餘敗竹蕭瑟賸頽垣事每海田改交猶筆札存勝年堪幾別吾
道與誰論作畫畱陳迹題詩漬淚痕相將期努力好爲共推援
落日低孤塞繁花暗舊邨北遊逢故客頓首寄張塤

寒食作

壓城碧樹鬱龍蔥時序今朝一望同黃竹青旗邨店酒淡煙斜
日墓門風踏春士女衫初倩得氣桃花圓自紅一抹離離芳艸
影傷心不獨麥原東

夜雨

春困尋思玉盃茶春愁闌入碧窗紗空庭隨意生芳艸細雨無
心洗落花消夜陳編高士傳隔籬銚火酒人家來朝陡起春游

興桺綠纔勻水一涯

屠松年將歸過飲紅欄書屋有憶周依堂雲癰張痿銅

四首

樹樹綠陰清春波滿魯城我有一斗酒何不對君傾遲暮歸心切中年離別生相思天上月兩地共含情

沅波公子艸洛浦美人雲雲作鱗鱗鰕艸成瑟瑟帚不如詩水調慷慨和夫君曲半新聲換淒涼不可聞

時松年將返長水爲予作擊水圖並詩二首

雲兮山之阿風衣挂薜蘿相思不相見不奈月明何國士遭逢貴酒人意氣多汀洲將暮影相與且滄波

憶別城西路於今足桺條道歧今又見采采更魂消想爾好兄弟珊珊玉珮要書成無信達引領望青霄

送周雲癰下第南歸

雨樂搖歸寢征帆片葉張青山圍鐵轡白雨暗靈光一第猶辛
苦三年各老蒼賢昆還滯魯爲賦白華章

竹短三章

竹短不出牆鬢髮成散帚不合鳳鳥棲日晚鷓鴣偶拳曲無取
容豈耗地力厚飾外爲不材虛中甘自守青青短牆隅生意看
亦有

大竹與肩高小竹森如毛戕賊日以加雜亂兼蓬蒿更有枯叢
筍萎黃不堅牢緬懷江之南竹作篙人篙洗滌無泥滓出沒隨
巨濤

惡竹斬萬竿此言太憤懣竹何與人事勞君日調飢腸靜靜有
情冬夏層陰滿同此不材穀無心發野館眷言帝女枝吾亦用
吾短

七夕

秋雨秋風旬日過黃姑消息近如何傳聞天上經營少爲甚涼
宵迫促多但使鳩媒憑鳥雀不須靈馭駕黿鼉回頭咫尺傷心
地秋淚年年灑絳河

鼠耗戲作疊前韻

饑鼠窺藥戢嗅過難憑五技濟窮何求仙吐穢成功少索食搬
薑積誤多腐後朴存偏嚇鳳生前體段也分鼯休矜穴處依城
社黠智誇張出飲河

贈李芳青

歷下亭荒蔓艸繁共君一見語生平嵒華山好青如畫楊柳風
疎水半城意氣天畱名士在文章人與性靈爭波光橋影斜陽
外瑟瑟蘊聲雜市聲

止止道人畫梅歌

入室忽覺香生壁梅影一牀風習習止止道人作是圖臥來牀
上吹橫笛畫梅能體梅性情丈二紙紋一水平千梅萬梅不見
紙已入孤山破曉行中間一枝尤娟好遠勢天斜淡墨飽美人
素服雲中君晤言無語來懷袞懷人乙夜天滿霜水明樓上倚
繩牀驛使相逢折不得雪晴憶爾空徬徨

初春十日

好春不雨但濃陰屈曲房櫳窅窕深蠟炬豈因長夜淚梅花若
爲美人簪香消紫扇盤旋影酒注紅螺宛轉心作賦無才湘侶
杳文章枉應露珠沈

十三日集止堂家兄射堂二首

試鐙風軟角弓觥玉鞮金彊應手柔如矢自應師直道得心於

以驗躬修頻年羽箭清邊徼此日賓筵揖旅籌但使反求無內
媿何妨列竅受豐侯

弟勸兄酬集射棚既同既飲漫分朋危厓置足誰能試弱臂抨
絃莽自矜壯志縣弧虛歲月雄譚射虎想憑陵歸涂共踏馬頭
月不藉籠紗一盃鐙

佛手柑十六韻呈沈椒園先生

陸吉黃甘傳種異杈枒枝指賦形全甌人別類推維一佛國分
香散大千移植仙源更歲歲服膺聖教也拳拳如來根蒂空形
相爾雅蟲魚費注箋已落又開花四序自春徂夏實三年上林
盧橘分頭熟東國名材屈指先不語咲拈秋曉露有時拇戰晚
涼天穿花鹿女銜香贈長爪麻姑袞樹暝脰甲纖纖春筍削波
文曲曲玉羸旋屈伸不以無名病擎捧真教巨擘連漸染霜華

增複郁若攄懷衷定嬋娟龍拏虎攫玲瓏甚玉質金相寶貴然
秋色遠邨明一樹絡絲斗帳稱雙縣南來肯受江淮限北學能
隨物土遷不隸包苴充橘柚偏依几硯侍丹鉛沾濡桃李無言
化莫認罌壘一指禪

寓寺紫丁香

相思枝上洩春光忽放春風一丈長佛界香葦紅躑躅花房色
幻紫鴛鴦可知旅食京華者十日才離寶塔旁

飲李軒飛同年寓舍依韻奉答

閉門蕭寺寂騎馬

帝城春不謂同年友翻從異地親紆輪千里贈玉看李家珍奧
味肝腸一風塵物色新篇章師賈孟膠漆感雷陳厚意無遺憾
高文孰大醇冥揆須熨貼伐濯見精神飲戶聊同阮行廚已飫

郁藏鉤花豔豔闌語津津擊節敲鐙穗在歌感酒鱗相於期
努力他日定殊倫長日加餐飯天涯客子身

寓寺

廢寺淡高旻心情與酒親絮飛千樹雪鳥喚一庭春懶散從爲
客蕭閒不耐人他鄉風物別艸艸度芳辰

出京送唐載熙歸歷下

贈藥花難拗攀條絮已飛臨歧一雙淚各自流征衣

出都寄別

當前只覺別離易過後方知去住難最是蘆溝初駐馬半巖殘
日晚來丹

端午二首

榴花與艾葉莫綴菖蒲楹妾有雙枕頭花花裏夜合

細葛含風軟花羅當暑清裁成明月扇珍重掌中擎

訪吳揖峯

街頭露雨泥滑滑東舍西隣塌茅屋冒雨敲門破清曉來索先生新詩讀先生擁被門不開蒼苔一地無人來阿誰撓亂蘧蘧夢屐齒丁丁上石階

秋夜

秋氣滿庭花氣削分明月上闌干角思佳人兮天一涯風吹寂寞羅衣薄衣薄怨風吹月明怕人覺闌干拍遍悄無言數數花開多似昨

同周補堂夜坐

翠蓋金錢燦滿枝紅酣黃瘁葉先知生憎人世多離別怕說關河有險巇萬里秋清呼去雁一窗燈暗算殘棋與君同是無聊

賴安穩牀頭送臥鴟

周依堂將南歸晚過紅欄書屋

相於五載惜離羣
徙倚風前又夕曛
千里朔南鐙火近
一襟風雨客愁分
世閒知我無如子
此後看花便憶君
歸去有詩頻見寄
吳江霜樹染紅雲

瓶鞠

一花如高人俯仰謝冠蓋
一花如好女丰神流衣帶
淡者非枯槁濃者非粉黛
高吟詩一章薄醉與之會

雨晴晚登蘭堂小山

衝寒獨踏石苔皴
料峭西風凍色新
幾處炊煙連夕照
一山枯葉動懷人
隨陽去去歸鴻遠
選樹嘵嘵鬬葢頻
寥落當年詩酒地
從頭整頓下帷身

新釀熟戲同張若垓共酌并簡令弟蓀田

糟牀新醉酒如淮瓦注篩時夜閉齋一酌一斟君可共載觴載
咏我能借故人千里意何似寒月滿輪光墮階念子西鄰難弟
在攤書燭下憶茅柴

寄錢唐周依堂補堂吳下張瘳銅

閩閩城下劔埋光西子湖邊梅正芳料量故人同落寞何堪獨
處賸悲涼柳溪弔古迷荒壠燕市狂歌憶佛場三影別來疎問
訊二難歸去遠分張長門賣賦傷畱滯絳帳傳經元老蒼憶昨
舟人催發榜言尋之子愜登堂懷中筆札三年字眼底關河十
月霜往事卽今都悵悵他年相遇更茫茫工愁詩好無由見寄
遠書成自欲將努力扶持惟令德隨時砥礪在文章雲停月落
情何已越水吳山寢共長慚愧前賢千里道買船載雪我無航

遣悶二首呈張若垞朱育泉

首夏相攜衰病居陰陰翠木晝清虛穿林偶與數新筍踏壁分
頭課舊書日力坐拋餘惋惜夙疑忽破得軒渠荒涼藥裏關心
事却疾奇方富五車

聞道西園發紅藥便思酒戶注秋濤好乘暮色看逾豔忍負餘
春歲一遭野客叮畦誇爛漫園丁俯仰任劬勞功成者退從來
事寧獨隨人嘆桔槔

紅欄書屋詩集卷一

紅欄書屋詩集卷二

微波榭遺書之一

曲阜 孔繼涵 誦孟

煙艸詩千一百字

木名以時稱艸名以月主變遷物生繁乃有煙名并核實麗之名於義起乎事獨與燔熱親質固異香祖燒之物爲煙意趣不相伍選自狄鞬來流傳徧中夏聞其初奏功厥乃在軍旅縣軍營演南瘴氣獨防禦遂致百年閒不遺一處所灌溉勤轆轤甄植蔽禾黍塋方含四稜虛中象福茝幹直岐斯薌葉厚力乃聚圓橢肖甘蔗蠶厖類大芋秋老亦作花薦紅垂嫵乳絳華形同複鮮榮兼摹芣五出差差尖白蒂微微俯漱漱浮風光油油見繁廡分種法秧田晚力侔某圓狀竟失稽含性未辨俞跗五疋高庋閣露書啟端緒吁嗟芻豢悅謀之無厭斲水產及蠃蛤陸

羞徧蹠羽效醉葉卷襲作辛醬糅蒟艸根與土毛搜羅兼敗腐
此更出新意味外醎酸苦俛蟲遐裔外國真有厭火歆煙豈蚊
母食火豈駝父噓氣雲變黼隱身霧結糾鑽截分竹木支持代
談麈鑄金置兩端五行相尅拒碧筒象鼻彎含葍金蓮炬下空
無當卮外園縣鬲脯人心巧取材絲絲其中貯薪傳仗煤炰頃
刻氛嫗煦兩儀鼓聚籥萬彙以氣取地動躍龍機山崩應鐘鐻
一氣所翕納不過分細巨吸之燄揚赤吐之雲出嶼澁自喉舌
生力於鎮鎮鼓頰渥上頰顧熏灼洽肺腑翳笑髭須竈竅借
口輔息息自相通响响若相語中忽歆長風勢厲氣載努亦有
嗜奇人鼻觀能茹吐亦有狡獪材連環戲媚嫵其美在初燃並
可例以酒炎虐之逼燥溽溼斯注下火盡膏中乾蒸藹聲煎煮
力竭臍吹灰液凝乃流瀉餘氣最氤氲盤旋穴窗戶初食猶稍

稍泊茲盡率土流布起男子漸淦及婦女旣上概衣冠亦下逮
童豎獻酬到賓朋接求徧窮窶好不殊北南畜不遺僻阻如影
偕出入如食周寒暑如奕代寤言如脩忘喜怒或則再三止或
則日無數或相忘噉啜或沈酣酤醕或云擔不歸溼寒力能去
或云吐黃水肺焦病淡鉅閒有疾憎者反訝獨齟齬衰節豔象
犀點綴太醜護帟櫻妙翦裁景數五雜組時花及艸蟲鍼神織
手撫零婉賸帳帛釦砌功幾許鬬綺豔雲赧光華奕厠厠續紛
各在腰鞶厲觴燧帛左右用咸宜陰陽儼分部更有擅祕藏別
製攄機杼剝木作方盞樣杷成圓筥有舟效松禁覆冪法盃簋
取潤煎錫鑊避黻置瓦甒取食喜頻頻不復分酉午曠日而費
時那自知其故人利競錐刀竟等米鹽普頓教些須值堆積成
大賈有明萬歷末漳泉法始著馬氏淡肉果雲布散六寓遷地

豈弗良任土聲名樹葉已別本顛土更判邪莒溪厚宜肥沃淡
薄在焉鹵但能辨根莖不復論所處長竿葉挨排魚鱗任風舉
杲杲暴秋陽班班燦文黼楹牙渾斑爛楮葉多黜黜溼以藤註
膏炒以醇酎醕易然假火硝間色陳土苴醅糟緊結束鏤劃細
分縷鏟鉋淡中央鉛鋤安兩鏹推盪反覆閒筋力費腰膂高編
大車箱絡繹越縣府攔載富兒門名目臚廣簿市墟攢細人十
十復五五圭撮易一錢睇眎猶量估真令散如煙消耗兩手拊
團團坐勸引此禮其猶隙空已靡饒涎並未撐腸壯地力與人
工銅帛與竹楮其他細碎者更難以細譜虛糜億兆民潛匿爲
大蠱古聖重本源制器戒苦窳無益之作爲廼踰閑蕩矩嗜好
日遷新竟難返淳古一唱萬千應嘗試爭忤舞非可勢力遏非
可道德杜總在作俑人一扇變齊魯久竹化青寧圓穹意楚楚

腐儒欠變通憂杞色談虎聳肩作小詩用代方言補

故宅井

汲汲在長緬受福到於今無禽乃舊井無波乃道心

水仙

揉几黃瓷斗拳峰小石宮沙明知水瀟葉癢覺花崇本大疑胡
蒜藜肥是鹿蔥祇宜梅磬口金醅勸醇醲

送人遊汴

今夜下弦月來辭魯孔生窮冬三尺雪去上大梁城曲水延才
子繁臺感客情渡河冰十丈離席酒重行

送張存田之甘涼井寄商言令弟

枉道留三宿單車驅歲窮微官卑柳下遠跡入湟中別酒淡紅
燭寒郊轉急蓬寄言君令弟各自愛微躬

擬唐人絕句

禽孤山下響鳴鏃飲馬池邊躍粉侯獵罷闕氏雙進酒馬湏濃
瀉月氏頭

同年王大寓魯友人攜其子女自燕都至年皆未毀齒
王君方持喪又初喪配子女益分寄姻戚家者以地主
食物爲饋先之以詩卽借王君元日韻

麻衣漂泊苦單身文度欣來異縣親媿我高軒充過客憐君隨
地作居人糗原糅麥兼三味盤乏停椒飮五辛聊佐賢郎梨棗
讓乾餼試向落天眞

父栗堂攜和詩偕冀田悔儂再過紅欄書屋雨中次會
二首

井園諸公半日間何妨略次暝雅還竹廊陪坐看三益糲飯同

餐類八關且賺清才掬麗藻難將大藥駐丹顏虛堂送客低徊處攤局殘碁兀尚斑

侍投壺哨敢勞謙致隘乘僂君未嫌竟去能無心鞅鞅無歸空誦醉厭厭新逋詩急輓轡劫積欠題排甲乙籤坐有遊梁詞賦客特教險韻試重拈

上巳日分韻二首

春光九十日三分猶賸一月之哉生明斯辰叶良吉薺花簇麥原蘭莖映迴隄思紹昔人心有言令後述

有言誰與同友朋共衷曲酡顏借酒紅雜花資葉綠非只樂逸游時復相勉勗座聆張裴談予情奚不足

小園半畝蒔花乃有百餘種木本者漸盈拱把半放苞矣偶讀長公集用其和子由記園中草木詩十一首

研經想昔賢吾家長季彥金荆連校生文武虎豹變鮮姿借足
跌相看意不倦磊砢秋實垂薩羅翠葉卷如何後世人既冠異
變婉季心隣女言似可免訶還園管荷鉏來乃欲圖滋蔓失性
踰三江作薪寧九畹以香致燒焚張翥憐悔晚

燒焚雖自致猶喜出山林不能使無香亦已自誇矜叔杵竈竈
才豈乏元任育中心爲快悵鬱鬱生香荷刈葵莫放手落花難
上簪同此感物理學道隨年淡四時自代謝府至乃可興材與
不材閒斯悟誰其能

小樹盈尺彊誰識年已老一雨蔓草荒纏縈復曳倒何如麻中
蓬直幹如天造何如薦施柏託根亦良巧妙理具眼前參觀心
力耗行者思文無居者羞小艸

豫章七年甲下得旨挺拔楊柳斧其柯無根隨地插且且而伐

之皆不得萌蘖美材與惡材非曰相期約乃同安世灰無端逢
溺潑以茲悟生理爪膚便頽落

田田水中荷蘊蘊岸上蒲本不礙花鳴唼喋如銜須可憐竟寸
莖一朝致萎枯誰云使飛走相忘於江湖栽植與繁畜一樣心
勞劬兩物不能容夫誰失前圖

主人耽花友行路起每蚤晨葩自櫟扶怕使花顏老八九月風
嚴颯沓聲振槁拉雜委空庭色莫辨赤阜蚤知終無成何勞讐
空裒漠漠不相知定然悔投繯

錦繡河陽縣放誕水曹廳胸臆爲百合枯朽出茵釘前人各有
愛羅列分廣庭只自惜要曩莫爲護玲塀月上飛蝙蝠浩然天
正青曠觀杳無徒贅滴猶泠泠

石榴來西域博桑移日南貴遠而賤近夫人心所甘更有子午

花天樞妙相涵金錢圓疊疊採擷不盈籃易零視觀極久榮豈
能堪無實邀其名取材當懷慙

芳菲屈令節翳翳飛蟲游人愛盡牡丹肯顧山之幽惟有羣山
鷓鴣蹕叫瓦溝想其開名園譙賞勞旋拙亦每被譏點惡詩涂
蚪蚪曷若全其天得閒日且偷

綠竹方含萌已自具節目藤蔓方吐須盤旋依山麓木氣能備
時故見森如玉艸芳惟涉月故每沿畦綠試驗飲水者長生緣
杞菊今之愛花人糅雜陳箏筑此則煎性藥勞勞亂心曲

卉木初生時薰蕕不自知無端襲嘉名乃得採掇悲破完離其
真猶瓶罍井湄隨分取榮辱茵溷兩不期或則要蒹艾或則攬
江薜蘿蟲與桂蠹各謀所充飢

和桑弢甫雨晴疊韻詩十首

陣雲忽漫布天涯已見霏微雨腳斜
蜿蜒土龍勞結構歧歧壁虎免騰爬
文魚咬子頰鱗細亂心衝波翠尾又
絕好開簾高閣上奔流疊浪捲雲華

露艸霑泥被水涯衣裳沾溼度花斜
驚人句苦吟成瘦喜雨心真癢處爬
天笑壺投驚電激雷奔節勢帶雲又
行看衆綠生新雨檢點芳尊趁物華

右對雨

忽喜瞳矐湧海涯晴光射眼入窗斜
渾流淅淅鳴溝澮未具家
家賽扶爬戲瀉永鉛欹翠蓋咲看珠
露綴松又蔚藍天色清於水上下晴
光倍覺華

情當旣霽喜無涯也逐衝泥屐齒斜
鳩欲婦求暘雨改蛛將網補去來爬
欲尋翠竹貓頭凸行趁青帘燕尾又
舍北舍南添好景美民那識感恩華

右小晴

浮空一瞋絕津涯大似張湯竟漕斜墻堵愁隨雞犬住釜鬻恐
有鼃鼃爬頭垂啄木形如了鷺戲橫天巧笑又可笑阿香鞭影
動欲同詩格鬪高華

右集雨

覆笠天容邈際涯登樓難望遠山斜煙低窠只如蛇曲絃緩琴
堪作蟹爬敝日謂能膏厚地撓雲何處覓長叉渴虹望爾奔溪
洲推出長橋五色華

春渚波生汗漫涯風輕燕掠故飛斜梅黻衣上應畱漬艸爛門
前不受爬壁螭窠鬆餘土暈爐香煙炷吐歧叉差圖水長魚蝦
賤整頓鸞刀斫玉華

右陰

一溪萍長已齊涯無復吹棉起又斜放葉芭蕉和露語爭稍碎
荔上牆爬川原日別陰晴影寒暖簾忙收放又晶晶雲光費調
劑誰家半臂大豪華

右陰晴不定

雨落終須泊岸涯遙山爽氣對窗斜狂蜂吮露垂綫久粉蝶烘
衣搨翅爬舊侶喜尋詩乍就塊錢欲下手親父回思數日蹄涔
裏彷彿年光似舜華

莫將有限趁無涯雨雨風風景易斜費日蟲魚偏刻鏤撿源根
本可疏爬書涂夏蚓形摹屈才退秋蚊嘴帶父七字吟成乞君
改寧邀帳下說才華

右老腐

芳苓三章爲王徐二節婦作

猗儺芳苓或赤或白赤猗子心白猗母德繫惟母德是相是翼
是展是碩

猗儺芳苓其心伊苦爾心則苦亦莫敢爾侮儼獨兩婦克婦克
母勗爾孫子羣小以恤

父母愛子初何加焉母病之不恤而恤兒寒兒名之是恤曷以

蘇州潘氏清集卷一
慰母顏石闕峩峩令名永刊白華奕奕孝德允完

若垞將歸出詩爲別次韻

如僧入定復如齋寫韻繙經力赴厓覲眼風光重入夏驚心科
斗已成蛙渾沂送遠臨初漲老壁看詩認舊牌容與吳艘偕令
弟疎麻好折寄離懷

用韻答育泉

湛淥清江似臥幢盈盈憶遠思侵江那期重放鴛湖櫂且喜重
傾螺子缸箕舌季龍能作侶秤心諸葛自無雙慚余食粟昂藏
子日坐淡年空復麗

豔體次育泉韻

流波粉絮慣東西擔閣鴛鴦半路溪東井匏瓜空自爛上宮花
雨已成泥可憐豔曲裁三婦也逐羣兒唱大堤誰向雲英求

液高冠好好對簪低

秦元功以輿地圖蝙蝠石硯見遺

聚米剖雲兩玉瑛久隨篋笥伴專城論書燕蝠同反覆老壁山川幾凸阮已許臥游禽慶蠨重蒙追送荆鰲情側身遠道非難致只媿新詩異劍鳴

除夕前一日同父栗堂朱育泉張若垞分韻

歲聿其莫春將及行酒掄燭歡娛洽酒態公然故吾狂鸚鵡羸
淡氣先壓醺酣論事何瀾翻攪言越坐作親狎男兒跼蹐故傲
岸焉能閉置入檢桺食飫如饜鯉魚丙浮身肯化枯蜩甲況復
東西南北人迴首懽場境真狹明日之日事已陳今夕何夕逢
偏恰月流天隙雲陰陰雪銷街渠水泛泛羣賢餘技鬪清詞光
鋌長劒倚天插聳肩嗣響哦寒聲聊辭俯仰隨人法

海市

二純鬱結奇何在麗天爲日月行地爲山海四維寥沆杳無垠
驚波覆星摧天根陰火閃屍紅裏裏肅穆夜氣羣靈屯天雞唱
曉杲杲昇朝暎欲上未上海水沸而渾欲下未下氣不附所尊
陰精陽曜兩相捫其象迷漫滉漾同乎霧雨昏天風吹之其氣
天矯蜿蜒離合屈且伸舒質歛形漸有神是蓋海之爲氣脫胎
集液霧纏風交驕若孽赫使心神炫惑而錯愕毛髮清竅而慄
慄嫫娑彈指間結璘升大圓輪廣忽升降魚龍劇清懽風捲重
疊障雲歸遠近山水澄泓而天豁爽色青爾而氣決然阿明馮
修無所復施其狡獪隱隱圓幢羣淪漣從來此景見春夏非天
窮者惟坡仙空復七字賦雲海至理要未鉤其元腐儒冥心俯
以想此言要當隨所往慮疑離明極動變惡焦之峰靈偃仰九

烏腐鬼餒求食當年虛斃羿弓彊又或海神驅石來形醜不與
秦皇偕應怪畀形天恡惜物化欲與天等儕抑或徐市求仙部
就中枉死童男女彗孛空埽一鯨魚壽潛何曾驗巨弩鐵船茫
茫秋雨哀童豎游魂戲水滸我來蜃氣肅清高古懷自熱想蟬
挑神山定有神風引樵攀想像徒爾勞莫拾赤仄遺錯刀

用韻答若垞

骨肉頻頻震盪餘微名欲乞又驅車白雲喜懼懷親舍手澤遺
留讀父書孤學廿年慚半豹呼天三籲頻舉魚心情獨苦南轅
意尚博良朋一慰予

蕊梁將歸呈以四韻

楊朱涕爲路歧分徙倚風前話夕曛宗慙可能忘庾業君牙應
是媿張汾自慙益友稱同伴稍有遺書供異聞五載何妨還小

住人生終自惜離羣

至前一日同沈位東程激潭張若垞秦元功分韻得一字

冷圭抵北陸修夜滋閑謚古之學道人於焉戶不出養生等裘
蠶豹毅理難必何如二三人晤言得倫匹薄暮凝寒威廣衢風
凜栗爲君啟糟缸相勸酒杯密說鬼鐙熒熒鬪奇笑肝脾氣摩
劉曹壘語駕嵇阮逸眷茲終夕謹不顧街鼓疾坐有將歸者酒
中情忽窒各各顧面顏中情難統一且消歲崢嶸此樂樂難詰
至日席上送程激潭四首

檻外江梅蕊樽前送客歸年年饒別思莫怪故人稀
鼓瑄助輕塵鐙花照夜新知誰日南至日望北來人
益證風嚴重稅稜霜月芒酒中猶畏冷何計整羸羶

三月桃花浪江水淡且清渡江南北望慷慨唱同聲

答沈位東

新詩斐薨渠映日知是清才推第一攜詩別我燭在堂明朝送
君踏朝陽車轅曲踟馬蹏凍冰壅輪迴喝不動此時欲別轉踟
蹰況返北陸日長初明日思君在何處日望胡蝶繞花樹

戲用少陵臘日韻

黃梅破臘夜方遙坐誦淡慙記性消詩伴相尋時敝戶長風聒
耳忽驚條喪眞已分同尊斷兼好何妨效穆朝屈指故人香染
袂青雲高附慶雲霄

贈紀醫

周廣當年祕設傳舊方新病要除捐論操峻作精之至理具車
奔醉者全朝穆未嘗爲喪我坎離苦說闕眞元金膏錯向朱雲

語枉負童顏用赭鞭

徐大田兄弟見訊近況感舊述今輒成千字代簡

忽忽春行暮悠悠轍尚迷離羣疎戚好陸處混腐鷄失學慚函
笈空居守芘荻真咄謀待免枉欲起聞雞縣僻賓鴻少庭蕪雜
卉萋芻尼留昨驗銀鹿叶祥卜戶歎緇裘使書緘寄遠題殷勤
懷異地珍重賁幽棲載拜開璠札三年置褒視藻腴鮮茵蔭筆
技怒狻猊重以瑤華問仍兼繡段齋陸離冠業業雙紉履媿媿
駟致施重裹繩窮啟厚綈光身榮瑱錦比德貺嘉琨在遠加親
分無能困蹇嘶短篷怪訪戴修竹憶攀嵇緬想賢昆季全消俗
點堅煦和原日愛稜岸豈秋淒繼皓媿先哲名龍備八驪寫書
裁箬葉濟衆逮梁稊奕奕家聲茂彬彬學術齊研經窺奧竅軸
史開門室憶昔同游歷低徊事更稽轅門排檠戟專閭列鏡瑩

入幕余慚玉趨庭子對主述昏情抑愴營道願淡締校士程儒
服持麾渡裸溪長材收玉尺絕塞靖金鉞

帝簡龔黃任毗欣福壽膺服官仍海岱省諺及檇櫨鵠首浮江
濟熊輔認較輓循牆升聖里濫祀徹闈梨維岳曾躬謁雙難喜
手攜丈人隆禮遇賤子荷提撕講席矜窺豹詩壇競沸蜚只宜
呼碧鶴乃敢測紅蠡徵典奇爭鬪分轡硯屢黥惟時祈雨澤眺
首望雲霓步禱勤方伯靈通惠庶黎霖施剛解菜文會又然藜
華閭張高譙諸賓集禁閨廣筵儀秩秩博帶影褰褰供張紛營
弁排當謹膳娛餉疎登五菹醢醢薦三鸞粗枚傳齋杏饒饒飽
浸飴甜漿調乳酪備錯割鮮蠟侑坐纂琶逕妖伶粉黛低璫璫
鋪毳罽霞繡漾羅袿頗落樵螺甲醢醢歎麝臍暑氛清殼扇異
朵接山篋傑作凌王勃雄詞吐夏倪敷華香國拾逸句冷雲封

夫以蘅茅質而蒙什襲緹移時重洗睨新月半規鋤軟語情渾
爾掀髯韻綽兮本期邀擊賞環顧命僮奚自謂徐陵架宜酬吉
士笄鏤根枝冒網出桺艷流庠未獲藏書竊先叨福祿臆仿摹
偏性格句法昧梁梯粵自怱怱別隨今事事睽歌期花滿陌痛
攬桺垂隄遽爾騎箕尾其年在攝提撫棺悲慘慘相禮異折折
宦路存亡狹私心去住悽峰顛傾柱礎星旦認背觸素旄飄城
郭黎元詠杞桷君廬荒寵竊我守故町畦地軸遙千里天干運
一窩悲歡兩根觸少壯委塗泥久矣無消息茫然怨解懽除器
分雁隊擇木憫烏栖閣道攀雲棧皋橋確斷栖登天憑縶黜質
庶隱鹽醢彷彿奔吳馬荒唐閱蜀犀謬蒙懷下士訊慰惠明禔
眷戀蟲肝技包容鼠壤詆每嗟艱一第更慮跼含啼合隙違魚
鰕剝膚耻兔蹄已成都眊眊微歷衆推擠頻歲麻衣著終年淚

眼漸精神全散茶園目更枯黧妙理參猶豫銛鋒鈍鵬鵠那能
刺逐量甘就短爲枿掉弄青蓮舌蹢躅苦李蹊計迂蟠轍鮒術
齋飲河颺齒並王僧綽功憐崔季珪茅容依老母冀鯁隘荆妻
婦肯前椎髻堂欣拜壽覲墳墟勤菽粟播種譜鐸犁訓詁勞黜
黜丹鉛費勘批揭竿漂麥鳳叱犢帶經兒清泗多晨鯉長淮伴
夕鷺春風愁眇眇夜雨賦淒淒柱繫秦騏驥臺荒越鹿麋韋弦
曾紉芷終始念歸萸後會知何地停雲望霽霽陟岡多仰俯如
馬易東西折贈援麻勃流聲佇柳鷺明明同日月無復悵離睽

送嚴令遷郡丞

楚楚金徽古調孤垂垂墨綬向人紆才猷遠紹嚴夫子囊橐終
輸陸大夫童子懷仁能化雉長官望闕已飛鳬空餘老署千花
下民感長寬瘞地租

徐理

治水名難掩遷都論自偏誅于心太甚厄石獄誰憐急遽升高
棟摩挲愧鐵鞭一生終首鼠淡負士權賢

臘前作

時方接依堂褒銅信

臘臘催人歲事添一年又負筆鋌銛雍熙架範思陳紀俛仰形
骸媿摯瞻荒野巾車晴望雪就陽散帙午開簾離羣淡願印須
助明鏡餘光乞未厭

丁亥閏七夕作

看書臥趁北風涼壁倚長竿意未降耿耿銀潢秋葉戶蕭蕭古
木氣橫窗夜窺安說忙宵半髡鵲焉能返月雙賺殺癡情小兒
女玉肌果倚華缸

戊子元夕信夫家兄見過

爐香厭浥酒柸清
隔屋相尋好弟兄
那有蔡光分太乙
慢翻書冊繹先庚
無多火市寥寥夜
更欠春風豔豔晴
小立出門旋卻去
慙慙獨試踏鐙行

北上書旅壁示同行者

未了名心詎有涯
無端出又撲塵沙
梨花開處行其野
燕子春時克厥家
遙望雲霄雙鳳迴
低拖車壁八騶賒
未嘗聞仕如斯急
也逐年華卽漸加

宿善果寺

暫借僧寮一榻安
短檠燈炬伴香殘
暝依瘳影桃花媚
曉覺春寒襖被單
記誦無功慙食飣
莊嚴有地起華鬘
何當一洗淫詖蔽
不見髡逋戒律壇

寄趙雲松

聞道南征詔故人 寵命除才原誇盾鼻檄好看龍摠儲侍窮
檐政羽毛軍府書酋蠻行馘執詩雅奏何如

別瘦銅

王畿忽漫聚緇襟卅日遲留慢往尋到眼春光眞瞥瞥別來夏
木轉森森於今去住皆無那異日文章共此心歷下儻能逢蔣
詡同瞻天末憶苔岑

謂蔣蒼生將主溱源書院

汪思尹小病坐雨戲柬

蕭蕭竹樹黯山城賺聽虛檐瀉雨聲此日河魚眞大上如雷病
腹也同鳴爲龍救旱霖偏溥以管窺天日愈晶屋隔東西空濶
甚汪汪千里爲君清

雨

積潦迷空濶無人破寂寥煙低灰暈溼花浥雨中嬌窗暗拋書

卷雲涼退暑歎風枝同入定墜露偶搖搖

審庫四首

隙地安茅宇周遭老樹圍匠人勞翦葢野性得清輝萌吐看生意渠成識化機千間饒廣廈知得幾人肥

南北施橋榻綠陰入戶多隨宜開卷帙何事置笙歌藥綻知春晚枝低見鳥過面陽城市過只欠小坡陀

亂樹無行次繁花任意開只緣資博識並許育蒿萊令改察蟲化禾收占果媒窺園無限意寧爲趁閒來

有客能乘興眞成問艸堂禮文存樸茂擊贊到文章塵榻容人臥園蔬任飭嘗此閒無坐史爾我儘疎狂

題張痠銅過岱圖

日麗岑苔滌舊邀三年筆陣競舒翹文心夙組天孫妙嶽勢偏

分地脈遙望眼難追吳練細懷人淡婉魯儒超已成雪爪摹無
自卻幻煙雲色未銷蒼莽古原車雨轍風姿遠樹桺千條靈和
不改伊人貌礪石真宜逸士寮十八盤高通帝座尋常勢累顯
山椒芝泥玉檢絲綸掌蕙藉蘭蒸氣類要展卷對看雲漠漠挑
燈重聽雨蕭蕭沈公歸愚七字王郎蓬心墨觸撥陳心誦右招

桃源行

不見桃源路空傳桃源詩桃源之說傳義熙義熙處士心獨苦
欲將桃源存上古世閒禪讓自虞唐眼內干戈同漢楚干戈禪
讓等紛紜桃源好住殷頑民婚嫁依然存長幼遜亡終是爲君
臣招招舟子非我偶苦說人民成晉有山川不改此中清髮膚
豈負先民受尚覺秦民太近情夜榻留賓約鄰客不然避世入
山溪幾不洗耳汚牛口自許漁人來世知桃源渾沌開不許漁

人返世覺桃源天樣遠桃源之桃花自飛花飛潔映首陽薇桃
源之源水自遶水遶結作田橫島花飛水遶年復年先生身在
羲皇前羲皇已遠何由共嗚呼醒卻北窗夢

朱高宗御書石經詩

思陵昔御宇盡江作藩蔽倥偬戎馬閒繙經課書字祕閣示百
辟莊凝富聖製鉤摹鐫貞琰國學添壯麗楷法章草兼意欲歷
繙黥鐵盡日麗天聖經嶽鎮地無何國祚傾蒼茫閱人世銅駝
臥荆棘感慨同一例番髡咲楊璉欲供佛塔砌偉哉申屠力力
挽焚燭勢畱以鎮黷宮遷移歷年歲蠱風半蝕落波磔成凌替
摩挲拂拭誰萬物有興廢轉憶落成時冠珮何踰濟于今荒泐
痕斑駁浮雲翳書雖妙古人不入收藏祕而況太學門思紹邕
昆裔振觸傷古懷涕沱不能制歲月去堂堂久復消精銳終勝

十六陵蘚骨縈荒荔

戲贈徐樹枏同年

濃陰陡換綠層層十日風光繫客膺
三載兩傾燕市酒隔牆同乞佛前燈
美人雲眇籠秦月衲子房溪敞夏棚
喜得比鄰花爛漫打門呼伴可能膺

紅欄書屋詩集卷三

微波榭遺書之一

曲阜 孔繼涵 誦孟

論詩十首

風雅歌詩試再賡何曾俳字復諧聲戲拈三百篇中句不過謳吟見性情

廣微漫詡補亡詞劉迅三千語更支爭似翻新成集句居然點竄六經詩

樂府新裁近古風呼稀舉棹與收中後人不解聲邪許舉燭箋成便啓蒙

氣節文章原一體潘江陸海枉雄誇漫訾兄弟成俘後未望與塵拜甄家

顏謝風流未可攀彊分林壑與衣冠如何錯采鏤金品不與芙

蓉一例看

元暉清麗冠齊梁沈范尚書亦擅場一自江郎還筆後更誰品藻到文章

李杜齊名日月輪浣花衆體更能醇斯人已去還千古漫把昌黎步後塵

縱橫磊落子昂才感遇千言生面開開出四唐風氣始肯將手筆讓公台

萬斛源泉屬子瞻弟兄聲價斬驂兼將門自是生飛將代取文名可礙廉

窺管測蠡少小能叢殘蝨窟運奇肱才知不讀書千卷牙後拾人也不應

記珠軒聽雨

偷得官身一日閒却來同坐聽潺湲人情似鶴鳴相和屋矮如
蓬賃尚慳琴縵經賦偏緩緩花林新種已斑斑更憐聽雨筠廊
侶出宰葭萌閱瘴癘

謂銅梁令周依堂

移司

初授山西旋移湖廣又改雲南

天閣清閒福人誣會計才服官剛八日移職已三回丁賦經披
覽輿圖誌廣恢南交籌餉重何以效鵞駝

與蕭編修

廣運

同年夜坐

十年寥落舊同年讓爾先蜚署散仙詞館靜緇前聖簡民曹分
掌大農錢叨恩縱有閒忙判退食還堪唱和聯少待伏風闌
雨後朋簋對擘晚涼天

辛卯七夕同崔純甫同年作

時共宿海鏡

欲采蓮枝佐一觴陂塘水漲已全荒雪桃薦芰酬佳節罨柳平

橋滯夕陽歲月馳驅官裏度山川靜穆雨餘涼同行賴有同年
共咲擘朋賤乞報章

題林子宣尊人所鐫硯銘圖

幾片羊肝石摩挲手澤鐫吾家寬碩硯慨想講堂年

同徐調甫黃蔚塍王方川彭玉獻昆仲飲黃駕堂寓齋
秋氣淡如許相尋一醉娛爲因航錄事幾嫺執金吾客裏須謀
樂高懷庶不孤無雙江夏客可肯續貂無

結語戲記駕堂之謔

姪廣林下第寄以詩

科名得失漫摧頽練達精神閱歷來逸足偶疎騏驥步天心每
老豫章材文章在己何求忤局幹關人要廣恢阿叔十年四下
第未曾俛首自鳴哀

送徐玉田徐以雨阻不及秋試

蒲帆高掛讓王城，捍闔詞場赴

帝京。直以文章操左券，卻教風雨阻郵程。秋深野桂寒花少，色醉江楓故葉明。襍被獨來還獨去，枯楊欲折不成聲。

丁中臺昆仲餽蟹

傾筐郭索盡渠魁，猶帶丁沽風雨來。客裏分鮮思置議，秋深謀醉笑空罍。幾逃江斲輸芒穀，卻負金膏敵豹胎。欲效韓門章舉辨，蟲鰕雕注已堪咍。

次韻林子宣樾亭兄弟虛韻詩

秋社愆期怨意而，卻隨冰署飯來其。那堪厭厭同蜍志，未要人人說項斯。讀易知羊翻是覓，說詩訓每亦如雖。卽今冷淡爲歡意，便與雲龍上下之。

林樾亭于宣昆仲感升沈之異路同羈客之懷思各賦

秋燕秋螢一詩以作感喟用代箴壘凡同人皆和作焉

二首

元標曾與賦睽違才睇華堂便拂衣旭日空梁樓共命長天秋水咲單飛新雛母子傳書遠故壘雌雄結伴歸記得頤頤初社雨春愁絮盡柳依依

金颺團扇怨時違欲撲桑蛸伴蜨衣乾向案頭羞自照流將星影認高飛秋鐙別浦中元似涼露宵行故苑歸擊斂曾傳羞白鳥可能故故覓人依

落星石

爲林心香尊人所藏

翕聚闕元氣生成閎混茫捫來曾似乳墮處定含芒拾掇貪卷石包羅壓錦囊支機如可借留貯客槎旁

鰲鶴和張舍人

鯢化蒙莊語豈漫居然鰲肋鶴頭丹名徵魚魷形非似類列鸚
螺肉並剗去乙當筵曾共棄姓丁今日又傳看神奇腐臭由人
弄誰道鮎魚不上竿

趙靜軒公子

貞節

侍其尊人朝正頒朔之使得晤於庶

常館中有鼃暹方物貽焉中墨一丸上印梅枝一矣可
翫也行時以一詩贈一詩志謝云爾

他邦縞紵有周旋公子翩翩度海堧欲近長安看日出相思不
礙柳條邊

梅月廷邇珍廿珠海東沉翦墨龍鬚印紋儼印梅花印博識能
追典客無

贈趙

榮順

朝正涉海赴駕班令子相隨杖履閒爲嗜吉金貞石字特攜周

鼓漢碑還天門左右瞻王會傳舍東西豁旅顏中外一家歸

聖主青青一髮認梁山

壽徐學正母 集太元經

渙轂殷秩往小來奕富貴而尊高三綱得於中極君子彊梁以

德日宣而殖 解一日正中月正隆昆道尚同六甲內馴從其高崇

麟或賓之溫黃鼎介其中裔燕聚嘻嘻飲食几几長幼序序管

弦 解二齊 解二裕積何縵鴻文無范從水之科滿物咸喜樂咸得其

願 解三雷推歛寧百卉權輿地地其緒六幹羅如孟季有序五枝

離如積善至於車耳赤卉方銳咸專一而不二穀均疏育厥根

豔利用光於階利用登於階後繼之初 解四君子秉斗爰聰爰明

馴幽推歷五福以類升以引百祿則益增俟於慶雲何福滿肩

六爲六十一日增我三千 解五

題羅兩峯鬼趣圖

不盡生盡死不盡人盡鬼不盡肉盡骨不盡成畫毀盡手窮究
微作意赴倣倣白日幽靈趨淦雲震懼起桃茆薦吉祥豆礫滅
效改夙讀記考工作繪飭官揆髮簪席尊卣渲染裳襍帷形之
鼎鑄茲沐腫蝸蝸螭不若則不逢萬怪可名指三都賦成圖區
布堂階祀聖賢象在目乾惕見君子降而及後賢寓目摹形似
迥然嘆甄成貽厥端揆耻乃今羅君畫豈徒爲觀美卷成巨臂
粗其長彊盈咫支離愧漾中鱗次八幅紙一幅其鬼植一幅其
鬼效亦爲粲爲羣幅耦鬼奇矣二與一爲三每幅鬼類比更一
鬼半鬼不鼎峙而隨龐統半英雄半人習鑿齒完璞全形神索
瑕誅壘歧取半冠鬼雄何必適魑市獨行旣涼涼羣出亦累累
斐斐復憧憧往來洋洋爾爲侏儒戚遽爲俱魏局癘爲睥爲鎮

頤爲燹爲顙顙爲聾自畏憎爲傀相此僂而爲魃裳袿而爲魍
奴婢覲悅傳鼓芭僂音曳些只何處處魍堆聚觀心何侈用是
然疑作敷敷疏其紀執錫宮鬼中噉啗互否唯貞觀大易言陰
陽屈伸理曰游魂爲變鈞元本近邇無根者曰游未可埶迹體
不常者曰變未可循軌臚載經史冊千載炳大傀四大轉輪
說若彼髡釋氏廻生與托生變之一端耳遠執變爲常求甲及
於癸譬猶天地閒皂粒生百卉牙白斯萌赤歧葉斯榮蕊陳陳
遲仍因小之乎意揣誤解人所歸疑謂將母是大放淫詖辭濁
流垢清泚凡百底下書往往寶糠秕不如看此圖偶同寫穢菌
穢菌豈可常條理竟端委慎莫輕示人遭續岱棄鄙

秋蜨次汪明之韻

尋香晚傍桂之叢力力拘拘見逐風黃似秋花初藉艸忙於枯

莽乍驚蓬粉輕染向衰蘆白霜重飄隨敗葉紅疑是七襄翬六
幅鉞樓忘却曬房櫳

兩峯移寓壽雲篴

中秋看月許將迎一咲入門冬月生客子閱人駭脫葉長安傳
食疑踐更我自碌碌復碌碌君何行行重行行會當先謁夫子
廟摸古碑字空庭櫳

洪素人同年舉子二首

當年洪孔舊同升佳話傳畱自紹興七百餘年登第者同門直
是有振繩

新得佳兒瞻喜氣玉錢犀果試聲雄我知舅是黃山谷打點文
章冠四洪

兩峯畫梅

園花歷歷點星躔發幹條條女字妍好是蚤開剛十月那堪稱
別動經年歸情郵遞江南北待渡夷猶也悵然

咏雪集景龍觀鐘銘字

嚴包大地元從朔悟發新圖造自工凝雨散姿千萬億歲年皇
歷薦延洪襲龍得侶京爲玉物狀資清景寫銅韻節林虞觀控
御雲虛月殿啓翹崇仙歸紫府迷飛鵲素騎霜原妙射熊鶴翥
鸞騫明滅候元嚴祕堅有無中呈形入構超徑鑄竭聽希聲想
曠聳遠考鐘銘成集字珍收道韞善因風

題兩峯畫冊二首

蝦菜江南賤盤中俊味真寒宵沽濁酒想煞水晶人

蝦

蓋聞犬之字視之如豔狗問漢石闕上如此象形否

狗

羅兩峯攜瓦瓶一以注硯類康壺無鼻狀敦牟少蓋高

三寸腹運四寸口足斂約半小飲微醉戲以聯句

虛中原性石泓注更從陶

亮汪元

殺下疑敦廢饅心比鉢高碎紋

多白坡櫻眼類乾荀式考膊

鄭音

縣古埒瞻底足癯忌三憑耳

目三謂骨

法四費評褒

四謂水

壺面翻無鼻把圍恰似鼓繼勺

應稽禮戴河合誦詩毛

胡士

體厚人爭弃孟安置不挑

羅撫同

側理賦職謝管城操

亮元

量水容升合裁詩廢戲邀繼筆花資灌

漑墨汁肆食饗

震士

不是定州製還疑樞府窰

聘

銀蟠分滴露銅

崔助濡豪

亮元

玉打鋒芒試冰緣厚重牢韓罌餘汨沒政缶起訾

警承月淮南寶流觴舜帝匏安哉銘贊贅服匿測量勞位置官

哥亞提攜篋笥叨

繼

器非傷髻墜用自適風騷

震士

古貌丹青側

圖成任靜撓

聘

桐瓢

榮木秋垂子

元亮

孫枝夏吐芳
兒羅韜薄膜
櫟鄂次花當
瓣五渾

疑薦

通鑑

瓢分各似航
嘉名緣世俗
元亮膩乳綴
旁廂菽發雞
頭肉

菱纏蟹殼匡
乍開珠孕蚌

通鑑

漫破瓠畱瓢
棣裹堅堪紉
紛怡粒

可糧挂誰高
後棄將不吝
先嘗錯落恒
星豔

元亮

挨排井宿襄
大

將珪葉亂舉
或鳳條傷比
茨流匙滑
通鑑含縣挹
斗斛芥舟蚩
宋

吏亮

輿裂喻秦王
榦聳雲堪攬

通鑑

苞張露忽灑
涼痕顏巷滿

元亮

巨種惠梧妨
實結離離影
聲搖歷歷長
金丹榜窳窳
期月抱中

央穴小巢玄
鳳心孤叫匿
蠶嫩拈看翠
活霜墮響寒
鏘雨浥成

蠶測騷訶誤
籠藏嶧陽人
埽葉一半在
銀牀

通鑑

張痠銅舍人
自秦中還都
兩峯將之津
門飲青櫺書
屋

同胡竹巖待
詔醉後戲聯
十律

羅手作

晉書曰諸同人以聲相續

可惜恩恩別

聘

爭如緩緩歸

通鑑

揚州空有月
不照故人幃

張路

草蘼蕪歎銓花卜筮違繼想應攜彩筆寂寞咏芳菲損

憐我思家切聘偏余送客悲損相逢當出入相挽免然疑繼風

信酬五兩江花餞一卮損如何美良夜苦苦說愆期繼

孤吟還獨酌聘錦字重添愁震不及江南去重爲海上游損丁

沽風雪遠子夜怨哀畱繼恐似鱗魚網霜花白上頭損

只爲友朋樂聘寒宵賦艸蟲秋聲還大地旦氣在昏中繼鄉夢

應爲蜨浮踪本是鴻震欲傳消息好鼓吹竹西東損

已過三秋約聘西方遲美人繼秦雲何淡淡江水自鱗鱗損雲

出猶依岱江流肯到岷繼故園梅蕊發芳意爲誰春震

別後同相憶聘飄零幾點萍繼月應千里白燈共一宵青震論

命小於子歸家感似丁損一龍曾爾汝豈負舊原寧繼

自笑太無端聘依然伴歲寒繼鱸魚秋後鱸楓葉夢中丹損遼

潤關河道蒼茫去住難一陽春報蚤慙媿報平安繼

欲同今夕樂聘君且息征驂士花放人無七艸除徑有三頃斜

陽鐙裏筆臘酒別時鐔繼所笑貪饕客偷倉類雀鷁士

征車門外迫聘四角祝輪方繼更願揮戈日乃知年歲長頃渾

河冰十丈醉客酒中央且住為佳耳長吟首一昂繼

未去說重逢聘春明路幾重頃郎當君莫舞偃僂子為恭繼悶

作空中字閒宜屋後傭頃卜鄰須昇日步履屢過從繼

煖然屋聯句

卅日殘冬使指過士煖然屋裏養春和牀分上下高人臥繼句

疊尖又逸興多淺量難拌長夜飲士淡情聊借短章哦城南尺

五隔魚鑰擬醉阿戎奈爾何繼

壬辰除夕疊韻二首

文場稂莠想捐除指點前賢罅漏餘境靜溪山親鹿豕心清至
道見鳶魚熟難忘卻鷗波癡想不曾經鼠穴車擁坐叢殘遺業
在蒙頭絳帙自繙書

鄉音新接抵遷除況有同心似耳餘歲薦椒盤分子鹿年添安
信獲潛魚三冬課業虛簪筆兩度晴郊少命車閒煞紅欄書屋
下紫藤花覆滿牀書

從子廣森乞假奉嫜氏歸里途中寄詩六首次韻示之
別姪廣林廣森次出都韻

北來從子未遑安旋奉高堂動定看疴癢扶持途十日別離先
後去雙難懷歸頻歲心空切羈宦今春侶更單傳語髯奴葺窗
宇恐防花竹怨盟寒

和宿長新店

乞假無多日，暮旬官有程。長假一年，短假十日。鼓蟾仍朔上，春雁共南征。遲看燕臺柳，初支邨夜更。應思癡叔甚，無寐仰參橫。

和趙北口二首

甚欲追尋馬首東，年前水驛共春風。子經易水還濡水，我憶斜虹互直虹。案牘謹循雙月限，文卷例限一月，近以軍需銷核特展限一月。公卿嬾謁隔年中。干桓九九非無用，賸个隗才尚築宮。

知出春明野興存，殘碑棄趾助商論。中途風景燕南勝，夾岸樓臺水影吞。褪萼含紅憐杏子，流年入閨撫桐孫。龍舫鳳舸應無限，可少裴回葦莢邨。

和曉發荏平

去去離鄉近邨，酤味覺嚴人。經荏子國岸，蠶運河帆地。氣南來暖，山光初照衙。重裘吾未卸，想爾換春衫。

和東阿項王墓

曾下泥人淚同爭尺寸功何嘗知喪敗不復走西東
顯達原隨運乘除本至公銷摩嗚啞氣春鳥任呼風

雨中不能出戶以闕里漢碑與洪适隸釋歐陽集古錄
趙明誠金石錄諸書相校勘知洪氏未見韓勅碑側題
名諸書亦有訛誤而闕里文獻考又率以意改削是日
凡校韓勅碑四紙孔宙碑二紙五鳳石二紙孔彪碑一
紙黃初元年碑一紙興和三年碑一紙乾明元年碑一
紙竟題四韻志意

簾過爐香欲去遲簾前儘許石苔滋人當伏雨關風日字對門
生故吏碑兩漢偏旁金石損三書焉鳥校讐移何人信目能敦
道博攷遺文一共披

明磐石衛夜巡牌拓本

篆文二行十字曰磐石衛指揮使司夜巡牌

墨搨圓牌小篆文周回刻飾盡芳蓀前朝要扼金盤重異物迺
貪市舶屯蜎蜎陣翻倭扇幻蜻蜒國大島夷尊劇憐捶搨鏗然
韻曾見丁寧振海門

回回蒲桃五首

草龍珠帳睡方酥偷翦圓蟻墮綠須舉世漫勞矜馬乳癡羊此
是第三珠

涼秋節候采黃芽收疊枯藤作一包恰共涼棚齊捲起放將寒
月上檐梢

元鑿碎礪成山荔紅顆斜披是虎藥爭似石家阿姊監蓬鬢
影井之湄

幅員今日孕河源戈壁崎嶇路可論試摘蒲桃嘗瑣瑣陋他異

種致張騫

咲傾碎玉瀉荷卮酒色如苔醉不辭斗億錢唐溫日觀在迭州
聖效支離

周幔亭

架

寄爲姪曾孫

憲增

摹刻延陵季子十字碑

龜文龍馬開鴻濛陽氣潛萌於黃宮從此孚甲牙而赤二篆八
分生其中佐隸卽楷卻茫昧或體誤後爭瞽矇陋者但識姓名
已嗜奇古者心乃雄六體八體追原始結繩淳悶烏可窮毘陵
上湖剡上石六名誰孰傳遺踪潤州刺史蕭定刻重將方篆屨
且礪中有文曰延陵墓規旋矩折相對工其下鐫跋字逕寸文
釋君子遭擊攻雖然傳畱亦云古漢唐遺架猶卽顒誰撫別本
走千里振振孫子傳吾宗閣帖字小碑本大此審其閒酌癯豐
云是自書自鐫者想爾紛怡神冲融十六好事已有此一身碑

版兼珪豈吾友幔亭妙授受夷猶千古蟠心胃循循善誘寧謹
一殆欲涂改青山峯再寄數紙與人看禹穴岫巉將毋同

張舍人藏蜀鏡二首

鏡背周摹八吉祥鞞提好映五文章應從蜃閣消亡後別鑄河
山懺佛光

亟函未有相通者譌俗流傳踵異文更摘匾螭差證處
山神之以仁爲之
加心皆未指出何妨苛論繼諸君
如鍊之以
火寫之以

次韻寄趙靜軒

東坡山中春已歸山人何得久巖扉童年禮疏探先鄭愛日詞
華嗣廣微寄我魚箋懷裏置憶君玉貌斗星輝無語復見題詩
句聊復同聲寄雁飛

周立厓大理

於禮

招同徐玉田

嘉穀

姪廣森小飲並書

飲曹慕堂學士

學閑

宜閑齋詩次韻

官身不及暇引退無不可興已在蒼山心仍戀青瑣熟處每難
忘忍棄同毛鬢世人多偏心不平矯以頗以是叢愆尤詎謫猶
積埃故昔聖人言戒愼譬觀火先生獨見到未肯易其我斯戒
謹戰兢恐致前修墮立已避委迤發言祛曩娜聲厲白韞韞巧
偷絕細磨萬里見晴空閒箸雲光爰鄉思定難畱況復伴復覲
邀我醉高齋銚花飄碎朵相見便別筵酒闌且更坐

送蔡梓南郎中

履元

柳老吹綿石首肥正是同君餞別時三載曹司師倒薤六街花
擔看將離餅非寒夜何妨說珠釘冷淘咲控頤到得江鄉風味
好修門應念冷官飢

寄李仙老

根玉

同年雲南

智化寺前同課夏宣南坊裏記租車而今萬里遙相憶看徧浪
穹芷碧花

調明之二首

暑汗充肌蠶蚨攢一鎗辛苦讀周官才知敦學由來半拋得某
盤破燭盤

張得北山一目羅思將怪僻傲專科而今下問人偏耻暮夜俟
芭每見過

陳惺存

守曾

畫落葉驚秋扇子

康山人撫周昉圖千里寄我馱溪幅我甥陳郎偶見之縮臨便
聞不局促年年葉落年年秋紅顏黃土一浮漚山人老死陳郎
物重展娥嬈愁復愁

圖裕軒座師招飲釣臺邨舍敬次元韻

去歲曾登山雨樓追陪杖履侍高秋重來景物仍秋屍望裏遙
山出屋頭岳色河聲千古在蔬苗豆莢野情稠桂枝香迴荷根
嫩能不關心一涕流

乙未重九同寶東臯席丞

光雅

登斗南閣

金碧焜煌儼玉樓參差鳳翅舞秋秋爲尋日下添新攷特訪琳
宮最上頭木葉經霜應翠減叢柯逢閏更陰稠金元故址東西
隔好訂瓊華碧浪流

宣和鸚鵡林禽圖

白鸚綠鸚同一枝赤林禽果鮮露滋綠鸚側鵒俯其腦觜紅蒂
碧思輕蔽白鸚理鵒惜其毛上皇蜀道非劬勞中央紅顙宣和
印珍果珍禽孰遞進鵒之鵒之歌不復炎荒亦產能言族白溝
河北頻婆多燕雲十六州如何

包介庵八十

日益三千未易量
衣冠壽考與文章
籌當至日同添綫
桃放春庭更命觴
荷福滿肩開泰始
種蘭遶膝擷芳長
宮袍料酒門生進
想醉華筵錦瑟張

紅欄書屋詩集卷四

微波榭遺書之一

曲阜 孔繼涵 誦

平定兩金川凱歌六首

漢序 代人作

昔昔軒后乘乾磔蚩尤于四甸塗山輯瑞誅漆姓耆專車而況
頑苗自致夫禹征七旬逆命鬼方見絕於商世三載弗庭所以
捷伐之威人靈共憤師貞之吉卜筮無違者也欽惟我

皇上臨御四十一載渙仁厚澤動植無遺浹髓淪肌生成並戴
惟兩金川之小醜憑一黑子以負隅敢狼狽而作姦本鬻蹠之
成性久曲全其要領曾因請命於和門轉自蹈於灰釘竟欲終
汚夫齊斧矯虔兇狡甘負

乾坤再造之恩饗饗獫狁重以張皇六師之罰元戎用簡索倫
健銳雄師彭濮齊驅犴狴峒獠蠻隊爰收攢拉進取勦闡既平

八卦之礪漸逼金川之壘乃索諾木怙終狼顧敢抗 天戈丹
巴沃惡助蛇虺妄矜犄角周羅翹埂山廻路轉之中密布松籤
聚箭深溝以內而 王師飭整浩若山河賊衆崩奔擊同狐兔
韞六花於三略陣變鴛鴦燦一電於千山礪讎子母噶爾丹兵
來天上俄頃而祇寺成墟思底博雷奮地中耿赫而酋魂共碎
霆擊於八九峯之上飛渡於百千仞之巔當一窟之先空遂三
軍之迭進亦有梭磨土婦望 雲霓而虔奉壺觴絨布羣凶勾
驅命而攜同妻子彼則恩銜犬馬爭効前驅此則音變鴟鴞許
其合勦爰剗札烏之壁更投大約之戈直指賊巢軍威逾壯雖
大礪小卡硬拒咽喉而橫嶺側峯直刺脉絡於是長圍四合月
星同周飲井俯臨彈丸在眼沿山組練火荼日月之容市地矛
戈左右鶴鷖之陣促漫西里屢搗其中堅雍中舍齊奏功於雙

寺蜩沸蟻屯之黨鎗急人呼奪城拏柵之才身輕鳥過迨覆巢而矢據始盡室以成俘檻致膠車不遺童齔嬰來尺組全逮朋達時則露布街馳

天顏喜送仰幾先之在握威稟

廟謨暢祕算之如神式宣

武烈方告功於

陵寢紅旗來趁桃花及釋奠於先師朱鸞分歌芹苴奉

慈寧以東幸翠孚望歲之心勞閭帥之西來逆飛獻俘之典臣學蚪蠡海職忝橋門敢比壤歌仰同凱奏

王師征有罪元惡討精夫恃險金川狡鉏兇鋌甲徂鑿門瞻上將禡纛製天誅黑箐空狐穴黃閒穀鵠孤善蠻仍折箠逆獠定收孥蚤卜師貞吉幾先秉

廟謨

美諾看重克 天戈指八垠載

頌元帥印爰

敕索倫軍局示三驅正鋒銛九變文礮轟驚燂電礪圯下崩雲
鄧訓船浮華劉匡鼓擊鼓雄師三道進架入埽兵氛

么磨看窮寇先聲鏖勒圍走林雖有路沃蘭竟何歸寺奪經樓
險梁頽帶水依邛籠虛戡業渠答漫鏃鏃拏柵酋魂喪鏢山烈
騰飛吁嗟螻蟻命何自失銜轡

鼓布高旆舉獨松小隊收之降崩角首搗穴據咽喉用命書功
最通區有勝猱巢眞闕釜底峯已卓旄頭餉運盈儲侍餐筒罷
結實爲士司婦士貢效干擻

中寄妻孥已受條三軍成合剿後隊且按牢納款羣羌

沸求生澈夜號彤茲欣旅振韎韐緬弓藥喜送星馳迅郵傳
舖座高 天門開映蕩簪珮有容刀

謁

陵親展祀捷愷應時呈降福原

天

祖揚威仰

聖明歌賡朱鷺曲民喜 翠華迎湯網開三匝周原緩二征
荊先闕里械櫜迨諸生欲獻巴淪曲難詳

帝德名

勺藥同瘞銅作

鳳城多花游勺藥豐臺盛我會破曉看蔓艸縈花徑槐柳籠渠
流畛畦恣句映惟見枝葉存閒見歲蕤賸卻有執花人苦苦周

邇道歸來九達市紅淡白雪瑩爭行雜菜傭顏肩壓同病席筐
雙簍大堆柴擠排橫五朵一駢頭纈繩紫柄風吹魚肉腥氣
敵芳馨勝少焉日上烘水帶灑肆逆輪蹄紅日高點污作黠黷
聊爾救焚葵無暇計端正過者數錢買十錢一捆應突房及市
闌嘉插百檐罄器古梭玉銅窠佳考哥定糗案櫻檀几高位排
花燈一日蚤焦卷精神難終竟或火燭本端以閉脈流拒譬彼
塞孔竅而祈永軀命何如任遮阡知時榮夏孟仁者觀物生束
縛失其性

丙申四月十五日同翁覃溪學士張痿銅舍人吳蓉塘
編修周澂明孝廉兒子廣棧遊慈壽寺看娑羅樹花寺
有明慈聖太后畫像歸飲青櫺書屋同觀光堯閣石經
痿銅約用其看勺藥韻

浪傳異種種香臺廢寺門淡破便開四樹高花齊合袞中天卯

塔欲干魁閒瞽得侶逡巡去好事關心一再來疑是文官栽舉

院誰箋爾雅擅通才

唐舉院有文官果花慈恩有婆羅樹今婆羅百十作一穗似塔形與文官果花相類疑婆羅即文官果而今文官果乃文光果

展轉音龍耳侯

周行蜂趁隨花底西望雲濃效米堆畱客髭談遺祕

像育王人幻見蓮胎廻廊千步成今惜

寺有長廊二千五百餘步拾諸天龍鬼神諸部特約施乾隆十四年

拆毀今前後殿

傑閣雙關鎖蘚苔玉軸金酌誰與裏豐頤法象白侵

埃聖嬰指說神宗貌佛地仍存劫火灰回首花宮真闕血催歸

日影助儻徊中涂倏爾驚投矢急雨如來勸舉栢魚鑰促觴嫌

急遽免毫題扇愧參陪更徵楷法高兼孝共讀殘碑隱至哀

光堯

閩石經朱竹垞云春秋四十八碑鼓首卷按

隱公爲一卷二一年至十一年現存朱誤也強叶試賡真勉勞清詞三疊想

奇瑰招尋吾黨資緣慣暫借名花翹檠媒後約擬看千樹杏傾

乾土室臘醵醅

翁學士以五律簡示再同二首

八里城西路招提踐夙期到門風鐸振覆坐枯陰移僻稱閒曹
到垣存故寺基蚤來廿七載猶得讀崇碑

七葉何年樹高花肖塔圓花開方長養樹老閱更遷祕像開新
幀長廊牘舊輒晚暉催雨勢愈覺意茫然

得李南溪書欲以拙書爲沂西先師表墓愴然賦答

回首師門忽卅年周星久痛埽松阡傳經專學猶畱魯爲政遺
風想在滇欲向麗牲書石碣敢襄弟子醵金錢卻慙腕力非梁
蔡怕拓碑陰與後賢

翁學士過壽雲笈觀石鼓舊拓二本

太學門中石鼓十其一摩滅無文字六年前曾再拜觀

辛卯二月
同周學正

士英親後張年得紆意舊拓何來入我眼寶玉一珏相參

置一本藏自趙古則後列跋語十有二

趙搢諫本有至大丁酉趙子昂跋

集跋趙古則跋洪武廿二年端木孝思題名洪武已已趙文昭跋洪武廿二年寧海盧原質跋洪武丙寅慈溪孫經同弟倫訪古則同觀洪武已已唐志淳跋危素在張璠民攷古藝觀題名

弘治乙未

至大丁酉雖貽識

至大止戊巳庚辛四年子未見是本時翁單漢先語其謬云

揭自前明鮮疑

義字數較潘又已燬

潘迪釋文在至元五年已後至大二十餘年

古趣視今已闕祕三十九

字五鼓中曉星尚暫泉未閉一本藏自孫北平割截界喪失行

次斷古釵頭葉星零碎柴窯片足貴異柳下猶徵右腳垂

潘次甲鼓末一

字用旁未泐左邊地

鼓跋字經百廿一年已發三十年前喟

孫退

谷跋二前跋云余行年六十有四視三十年前所見又失數字矣

末鈴小印珊瑚紅玉琢樂安雙螭睡

末有

樂安二字長方印乃明光宗女樂安公主下嫁鞏永固者原藏北平許今在揚州商家

萬卷樓高富殿閣玉印人傳皇八

妹想見題甲編乙時小璽猩紅識愛墻閣人古物原雲煙卻巧

假我綰雙綫佳節昨遺綵縷鮮淡栢細吸菖蒲醉摹掌細鉤匾

蟬形況有同心不遐棄垂簾雨壓香粉釵紙光墨色拂濃翠同

觀者誰翁學士乾隆丙申日長至

曉行藍淀廠

金之鹿園

蟬聲嘶暑曉雲流下
隰驅車潦未收
稻埂綠稠全種豆
荇花黃小不藏鷗
水鄉遠仿江南地
山勢西連代朔州
飽挹朝來嵐爽氣
只差拄笏坐危樓

程易田孝廉

瑞田

畫冊

譜雅圖詩意象開和之筆法與沿河乞將衛蘊暫蠅手寫出千門萬戶來

高石峯秋山紅樹圖

廿年前見且翁畫

高其佩

老樹飢鷹勢雄霸
嗣後妙筆見雲初

高其佩

婦贈驪駒氣騰跨
今年令弟同鏘魚
索我題詩在直廬
秋山小幅行看子
紅葉盤陰記命車

題李令約庵秋江載書圖

丙夏記送沈埴爲

叔

未出片言相唁慰惟時君爲理歸貲友朋

意氣能經紀無何閱月菊花黃唐君

樂

嘉筵誦弄塵筵上見君

云將別眠我刪子情何長君本能詩復爲吏詩情敦厚吏尤異

暫時廢置緣官格究竟人才見國器歸裝何有惟載書漁洋池

北有同儲當年拳石填船腹此日牙籤定滿廬借書長安良不

易安得畱君倒君筇懷餅記掌倘相容云是農瞽顛主事

覺生寺華嚴鐘聯句

鬼氏勇能搏

張

填蒲牢吼未完一傳明鼎變

陳崇

初地佛場寬大

錯真同鑄

繼

靈文勢與蟠華亭

沈

工楷法

項

道衍是監官內滿

華嚴界

崇

本周羅般若觀九朝經廠置

繼

萬歷寺樓安鞵鞞資聰

曠

項

鉗錘費匠般動聲無聞入

崇

本懋德弗彰難勝國宗祧弱

繼

天綱叔父瞞江山爭鐵鑿損縈經哭金鑿懣悔人天旨崇本淋漓

血肉癥千夫成大炮總萬斛刻淡塤冶不鳴駭鴨損書惟舞鳳

鸞補鋼千古恨崇本聽鐸再三歎大木栽梁棟總晃迤進拂帶西

山訛廢豹損北郭耻吟壇綠鏤滄桑字崇本紅依殷閣窻收羅蒙

帝力總法象助華鬢過客尋秋少損間暫載酒看蒼茫今昔事

本增入舊聞刊總

陳伯恭庶常寓齋嗽荔支

兩枚丹荔許親嘗退盡紅裳見玉瓢可似風流王閣老彊將冰

雪過芳香見周紫芝集

代人賀某相二首

勛勞啓沃

帝酬庸山岳端凝宇壁琮文筆遠過溫國富祿禧遠自今公鍾

羽儀聿祭貂雙珥圖象天親 陛九重喜逐門牆卿相後得聆
琴瑟與鼓鏞

日宣

皇緯盡龍夔元老猶爲眾范規公棘卿槐班以上耳目辨
聖之資近天手捧星辰位隆棟身安柱石支手定詩書千億卷
黃軒乙夜共論披

丁酉四月二日 正大光明殿

御試同考官恭紀

又選鵷鸞珥筆臣平明委佩入 天闥得來祕殿無凡骨嘗到
雲牀識上珍翻水文成才倚馬測時鐘報漏催人高花十丈板
梭石羨煞風吹黠座茵

乞假

高年彊健覺兒衰已點霜持上頰頰欲遂烏私鄉非樂好期莫
酒弟兄開文章報國空餘愧童稚牽衣一任庭柳徑花籬知
待我芒鞋布襪好歸來

崔純甫贈天鰲羽扇

采得青雲鬣鬣羣仿將方麴緯經分漫勞暑氣承懷裏白足風
流難展翬白羽揮時真似月北窗臥處便停雲感君易贈摩霄
翮珠玉爲心欲報君

明天順八年甲申十同年圖卷子爲宏治十六年癸亥
繪十同年者王襄敏用敬軾湖廣公安人南京戶部尚
書時年六十五焦孟陽芳河南泌陽人吏部侍郎時年
六十九謝文肅鳴治鐸浙江太平人禮部右侍郎祭酒
時年六十九曾克明鑑湖廣郴州人工部尚書時年七

十閔莊懿朝瑛珪浙江烏程人刑部尚書時年七十四
張簡肅時達達江西泰和人工部侍郎時年七十二戴
恭簡廷珍珊江西浮梁人左都御史時年六十七陳廉
夫清山東益都人戶部侍郎時年六十六劉仲宣時雍
大夏湖廣華容人兵部尚書時年六十八李文正賓之
東陽湖廣長沙人大學士時年五十七次卷中韻題

朝多君子國司南圖畫流傳記宴酣史刪蜚聲登者八尚書繩
武數惟三文章底用分科目姓氏沈埋負辱慙羨爾清門華胄
遠泰陵盛軌好重談

魏景初帳構銅拓本歎云景初元年五月十日申尚方
造長一丈廣六尺澤漆平坐帳上廣構銅重二斤十兩

二首

八坊珍異護儲胥宣喚揮毫點漆如試問游絲蟬翼揭何如金錯稻芒書

曲瓊藻帳女尚書不似西陵淚滿裾賸得未銷銅構在愍陵窺
魄可關渠

丁酉九月晦日題沈憲皋母雙節圖

霜柳官河問棹時君持卷子索題詩縫衣手綫客關裏奉母家
居官乍辭同是孤兒情併苦各堅歸計更何疑多君卷內雙婺
健水豎羅車見共維

漢石經殘字拓本尚書十四字魯詩十二字儀禮九字
公羊論語皆十六字乾隆丁酉四月二十七日觀於翁
編修青棠書屋文不越隸釋所載殘字中假歸摹之審
諦石文泐蝕處紋皆連絡紙無割截卽魯詩實已尚不

四字已非連文石經不爾也卽洪氏隸釋中四字亦不相連屬也或蓬萊閣刻石去其鋒稜不完難以摹勒者與抑隸纂所刻與必有博古君子能證之五月三日丁

卯大雨朝晴泚筆記此并係以詩

黃小松云是博古堂帖中所刻

鴻都寫經千兩車至今片石無畱儲斷簡雖登洪丞相文無完讀生嗟吁況復中郎八分法俯仰點畫頤昂如硯山齋中足祕

笈聞藏拓字凡百餘百年雲煙易流轉大都度置黃與朱

孫退谷侍郎稿

今者何來六十有七字循文錯落五經

卷樓所藏金石書藏大半歸黃墨門清啓二一入朱竹君編修家

俱古物閱人何限量存此紙敝兼墨淪小軒詩境

翁軒名

青棠下

湘簾畫永相對娛每得分篆珍奇祕城闔雖隔來予呼散衙塵面不暇盥敝車驅僕穿街衢酤酒酌我飯我飯更容乞假恣求

須竭來珍重畱三日尋行數墨衡錙銖紙本殘蝕駁雲解中鉤

筋絡連不殊語句閒脫萬存一非誤褻界遭篋肱悟是蓬萊閣
鏤石資州之本無其腴虬甲鳳毛龜之角縱欲割棄誰能與先
生高懷越雲漢可能照例分我半卷入錦囊懽歎淡想煞門邊
弟子贊

泊蔡邕舟中無事偶成

四日舟移百里遙潞河水淺不容篙初陽宵永人畱滯霜信風
嚴木怒號風正河斜時會偶攜兒奉母

帝恩叨丁沽況近魚蝦美且對船窗倒濁醪

兒子廣枳來迎我於京師至都門始知予已從水路行
兒陸路旋里襄姁氏喪仍遣人至德州相迓率賦寄示
租車辛苦入京來聞我東歸汝卻回說道辭官人未信須知將
母事原該漳河日落看霜柳青縣山遙望

帝臺喜道長須遙逆我新沽滄酒手親開

戊戌上巳飲浴風亭

曲徑溪池老樹參歌人誰復舊何哉杏花繁處無今昔亭子頽
餘尚雨三坐到夕陽貪鶴柴談來往事悔魚泚臨沂莊子石橋
路連蹠連蹠記盍簪

三月十二飲臨沂山莊

莊門依舊枕沂濱共倚危闌看夕曛豈有酖人羊叔子居然罵
座灌將軍風流文采空前輩遇事隨緣等過雲玉戲晨看宵火
樹何須急管奏紛紛

庚子二月二十日飲浴風亭

此行端爲杏花來破曉將車上墓回數齒禮先羣從飯無人獨
進午前梧楊花落地蠶兒出麥葉揚旗布穀催只惜去年吟賞

處垂楊一樹十圍推

庚子二月二十二日飲紅柿山莊得肴字

閒邀酒伴出衡茅醉徧東西遠近郊
壁圯長松畱石丈臺空雲

物憶霞交意行試鬪身彊健水厄人看語呌

是日同行酒上坐岸側汲水賭飲代酒故借用

水厄

更咲籠鐙如踏月歸途醉側亦疑期

去歲二月二十九日飲此亦行至五泉莊登車

庚子二月三十日同戚鶴泉出城由長松亭沿沂而東

至達泉觀至元石幢登郊臺遂至舊縣城北看桃花飲

於春及園幢刻記並詩同鶴泉次韻

爲看城南十九泉

泉十八入沂一入夢

泉源珠貫復星圓
栢攜黑暗新篳酒

時值清明禁火天
科斗春流蛙子聒
溝塍細徑蟻行緣
閒身休

負閒碑版始識元時寓老禪

飲春及園鶴泉復次韻同作

諸公賦手擅甘泉，韻篇篇字字圓。
客恕邨庖羞鼈臠，時仍古褐聽鶯天。
羨君俊鶻冲霄健，顧我癡牛向磨緣。
臘欲執經聊送難，小乘禪叩大乘禪。

同鶴泉園棋復疊前韻

松聲謖謖儘歡泉，爽手看人用智圓。
熟處難忘翻舊譜，閒中好與補先天。
雙持劫綬從容應，一綫過長急遽緣。
著子究當寬路穩，休嗤只木野狐禪。

夏五朔日蚤起鶴泉復有疊作時予適以事往山莊歸乃和之

徹夜檐聲吼瀑泉，新詩曉送瀉波圓。
清才不竭鯨翻海，嬾性難鞭鳥信天。
行卷牛腰霞彩煥，疎籬鹿眼野花綵。
爭如斷臥穹碑好，結識千年沒字禪。

葭谷兄送茶用前韻志謝

安得江南第二泉
淙琤蟹眼沸湯圓
湘簾夏簟圍棋日
竹雨蕉風試茗天
縛解雙餅勞急遞
分煎半裏咲前緣
每須斟酌色香味
默驗曹溪一滴禪

展上已

壬寅

生明辰次十拂水日重三特展芳春禊
何嫌樂事耽乘蘭花較晚贈藥蕊全含
穀雨催于耜和風怡浴蠶豔陽牽挽易
與故討論貪雨泛醪淡碧仍尋水蔚藍桃
花波渙渙柳絮影氤氳一咲誰能事粗知
捧劒談

魯公名印

獲魯公印歲己酉土花駁蝕蝕其紐哲嗣
肇維爲補之傳觀屢添硃砂泥嗚呼物重
因人正千眼相同肅起敬不然爭鐫乳六

石世閒儘有方惟一

石竹二首

玉牀鳳尺翦殷紅曾繡羅衣護曉風
泊見雒陽花似錦明霞浴
日海門東

賣花擔上雜青紅拌擲金錢廿四風
勺藥過時春久邁卻畱石
竹放階東

英石小山

誰截青山色天然佛髻螺三峯低截
巖半面小坡陀底柱文章
力漸摩潤澤多一拳髹几上可奈扈班何

羅敷

唐梯斜倚手筠籃落得方盃飼女蠶
暹射圓姿低潤臉人歌初
日出東南

壬寅五月二十二日和孫錫於痘適刊九章算術竟感
念東原題詩付兒子廣根

銜悲宛轉尋餘痛直到初投綯紵年黃土蓋棺今六載麻衣掩
面更新肝經傳外氏曾奢望和孫東原之外孫也事歷中年感易延賸寄悲
懷畱刊刻彊持清淚和朱研

紅欄書屋詩集卷四